

宋詩紀事補遺

宋詩紀事補遺卷之八十八

歸安陸心源伯剛父輯

辛好禮

筆架山

清秋山水無不宜
筆架之峯天下奇
高蟠斗極鳥先却
幽測珠光龍未知
天清鐘磬度霄轉
月黑星河當戶垂
却念浮丘應識我
滿空風雨遶新詩

撫州府志

秦密

遷江縣令

遷江紀實

廣右開炎服思剛置縣衙羈縻唐世及正朔聖朝加
鄉分今賀水邑隸古瑯琊泉脉通明鏡封鄰接鎮鄒

輿地紀勝邑令秦密遷江紀實蓋縣爲古
羈縻思剛州本朝改爲遷江縣又有明鏡
湖及鎮鄒山

秦元似

大澤山

古木巢遼鶴陰崖溜石泉登臨多意緒深邃好風烟
嘯傲欣離俗徘徊覺近天熒煌逼霄漢疑是繼張騫

萊州府志

聞肇瑋

漢嚴將軍廟

漢史標名氏宕梁存墓邱非惟能抗節更獨抱先憂
全蜀悲銜壁孤身欲斷頭湍奔砥柱屹果碩剝陽留
片語消威猛三軍盡輯柔詞嚴偏藹若氣正一何遒
廟貌旒垂冕祀將春復秋我來虔展拜匪敢謂遨遊

保甯府志

孫子光

知湖州

和榴皮題壁韻

黃鶴樓中吹笛罷洞庭湖畔醉吟餘劍光如寶無人

識記取榴皮幾字書

天地之間猶有礙江山酌酒尙無餘長裘短褐經行

處惟見龍蛇壁上書

東林山志

孫唐卿

字堯臣號閒叟眉山人

和榴皮題壁韻

碧眼仙人曾着句玉堂學士繼其餘祇今雖說西鄰
富爭是東庵有異書

喚回二百年前夢索飲西風一醉餘壁上榴皮在何

處遊人主指沈庵書

東林山志

孫伯容

贈行醫龍杖道人

忽報求詩有客來
詩魔正此費驅催
內丹却喜君能煉
青眼何妨我爲開
袖裏蛇應傳似續
手中龍漫事剪裁
傳立神物經當合
道合仙陂試驗哉

截江網

樊汝賢

滴浮泉

雲液落山腹
脉與崑崙通
云何山中叟
八十顏桃紅

輿地紀勝

袁倚

字環谷

象耳山

昔聞神龍蟠九淵今睹大象扶諸天何年幻此一佛
國兩耳不動山蒼然上乘菩薩踞其上妙千手眼化
大千衆生顛倒夢始覺熱病得汗諸魔跽兩客游山
飲崖泉拍手喚醒書臺仙一邱一壑儻如願同竟大
悲香火緣

金石
苑

袁瓘

鴻門行

少年買意氣百金不辭費學劍西入秦結交北遊魏

秦魏多畸士結交亦殊倫由來不相識皆是暗相親
寶馬金絲轡狐裘貂鼠服晨過劇孟遊暮投咸陽宿
然諾本云云諸侯莫不聞猶思百戰術更逐李將軍
始從灞陵下遙遙度朔野北風聞楚歌南庭見胡馬
胡馬秋正肥相邀夜合圍戰酣烽火滅路斷救兵稀
白刃縱橫逼黃昏戰不息虜騎血灑衣單于淚沾臆
獻凱雲臺中自言塞上雄將軍行失職部曲遂無功
新人不如舊舊人不相救萬里長飄飄十年計不就
棄置難重論驅馬度鴻門行看楚漢事不覺風塵昏
寶劍中夜撫悲歌聊自舞此曲不可終曲終淚如雨

臨潼
縣志

袁彥安

三學山

萬松權秀五弟栢千劫棲賢三學山佛定光生五聖
潤僧衣細結藕絲斑歸來鸚鵡掃白塔聲在翠微煙

霽間興地
紀勝

袁正

山山曉雲歌

大坤濕氣蒸嵒龍油然勃然連蒼穹曙牕注望東山
峰須臾不見青芙蓉初疑博山噴出紫烟縷又疑展

精海底推起龍王宮東西模糊總一色上下變幻知
幾重旣非芒碭山中隱劉季又非陽臺神女遙相通
養文元豹隱丹壑失巢老鶴迷青松忽見千株萬株
老枯檜化作千丈萬丈蒼精龍斷崖滴翠時灑灑落
花細雨春濛濛金烏欲上海水赤神光盪射生青紅
狂飈捲地忽吹散依然繡出金屏風奇奇怪怪渺無
際且將浩興收拾填心胸

溧陽縣志

韓揚

秋興亭

賈載嘗爲郡名亭建此邦近山連大別遠水接長江

待月凭東檻來薰起北窗四時皆有興秋興獨難降

續輯漢陽縣志

關隄

桃源

流水洞門三數里落花松逕幾千年山南蜀國新開

路洞下秦人舊種田

輿地紀勝

潘用中

福建人

郊遊書所遇

誰教窄路恰相逢脉脉靈犀一點通最恨無情芳草

路匿蘭含蕙各西東

全閩詩話潘用中隨父候差於京邸潘喜
笛每父出必于邸樓凭欄吹之隔牆一樓
相距二丈許畫欄綺窗朱簾翠幕一女子
聞笛聲垂簾窺望久之或揭簾露半面潘
問主人知爲黃府女孫若是月餘潘與太
學彭上舍聯輿出郊值黃府十數轎春遊
歸路窄過時相挨其第五轎乃其女孫也
轎窗皆半推四日相視不遠尺餘潘神思
飛揚若有所失作詩云暮歸吹笛時月
明見女捲簾凭欄潘朗誦前詩數過適父
歸遂寢黃府館賓晏仲舉建甯人也潘明
往訪邀歸邸樓縱飲橫笛見女復垂簾潘
因曰對望誰家樓也晏曰卽吾館寓所窺
主人女孫幼從吾父學聰明俊爽且工詩
詞潘愈動念晏去女復揭簾半露潘醉狂
取胡桃擲去女用帕子裹桃復擲來帕子
上有詩云欄干閒倚日偏長短笛無情苦
斷腸安得身如輕燕子隨風容易到君旁

潘亦用帕子題詩裴桃復擲去云一曲臨
風值萬金奈何難買玉人心君如解得相
如意比似金徽恨更深女復以帕題詩擲
不及樓墜於簷下潘急下樓取之爲店婦
所拾矣潘以情告懇求得之帕上詩云自
從聞笛苦匆匆曉散魂飛似夢中最恨粉
牆高幾許蓬萊弱水隔千重遂令店婦往
道殷勤女厚遺婦囑勿泄且曰若諧酬更
不薄後竟諧伉儷云

潘誠

皇恩寺

睿澤潭來數百年海山高處有祇園花林自是三干
界塵世誰知十二門詩客迢迢尋義路禪翁特特起
談軒香爐頂上觀東注萬派分明出一源三山志

潘桐

官靈池宰

聖母山祈雨詩

并序

靈池縣東山下有朱真人洞洞北岡嶺連屬
二十里得緒聖女祠化跡尤異民咸事之予出
宰之次月邑中苦旱於是絜誠薦禱希恩於二
像之前曾未三日甘雨大澍民欣其應式歌且
抃仰荷明靈之垂祐作詩以紀之

錦里城東邑高原十六鄉江流分不到天雨降爲常
益部十縣多引江水溉田咸爲沃壤惟靈
池疏決不到須俟天雨俗謂之雷鳴田節及三春

後晴逾兩月強龍乖尋穴蟄魚困入泥藏樹影全虧
綠苗姿半吐黃耕夫皆慘戚市戶亦蒼忙潛慮寬無
雪深疑政有傷推恩慙睿主引咎謝虛皇磬折真人
宇星奔聖女堂先時蠲玉饌隔夜浴蘭湯洞口焚香
遠山椒作梵長幽誠期必達立應果旋彰雷振南峯
下雲飛北嶺傍聲稠喧竹塢勢迫瀉銀潢颺灑連三
晝霧霽遍一方稻畦煙漠漠蓮沼水泱泱物態涵優
渥民情遂樂康洪施周庶品餘潤浹他疆稔歲還堪
待陰功詎可忘明靈何以報奮藻紀遺芳

成都
文類

顏克宗

第進士

蕉溪溫泉

陰陽炭兮天地炉融液好景人閒無木酸火炎雨不
用清流自沸跳明珠何當揚波激滄溟大塊不許氛
翳生何當翻波湔酷吏羣黎坐使心眼明堯舜君民
均一視匹夫匹婦皆使被洗除煩苛不擇地奚止一

泓而已矣

德化縣志

錢元鼎

登黃花亭遺址

隔城舒晚嘯信步得高臺亭去名猶在霜遲菊未開

浮雲西日下明月大江來
逸思飛難禁昏鐘何處催

安慶府志

蕭庭直

峽州

山勢低連巫峽遠水流初放蜀江平

輿地紀勝七十三

蕭仲才

百姓送知縣美任

出宰男邦過冉求
潦江木落四番秋
主恩父母朝天去
失哺嬰孩伏地留
一片丹心深國慮
數莖白髮爲民愁
邑人共繪生祠像
不戴貂蟬官未休

截江網

姚清叔

琅璫驛

弄臣甯復解輸忠偶契琅璫一語口富貴難親貧易
感西來方憶曲江公

輿地紀勝

姚彥遊

米清驛

聞說巴南無一事助人清思有江山

輿地紀勝

姚揆

官侍郎

謝客巖

不見古君子空餘舊林巒翠色媚車馬爽氣嚴衣冠
天水交影碧松竹聲相寒

溫州府志山川

焦翠峰

石人峰

頂有石若老道士

石爲肌骨應成假鐵作肝腸未必真當日容成丹就
處何當點化作僊人

黃山志

焦靜山

湯泉

淽淽靈水養靈珠籟定波生注玉壺洗盡塵勞多少

客不知還解洗心無

黃山志

焦本心

游黃山留題

自有乾坤不記年
山中紫翠尚依然
百千萬世留今日
三十六峰橫暮烟
怪石鏗松名嶽上
神僊天子一人傳
桃花流水丹鑪畔
欲往從游洗俗緣

黃山志

苗仲淵

楚州郡守

趙康州徐夫子廟

世惟忠與孝
訓俗知所止
殺身趙康州
錫類徐夫子

雖非萃一門
死葬同閭里

輿地紀勝

喬方

湖南運使

雲山

黛染峯巒水染藍右分湖北左湖南

輿地紀勝

高子洪

龍池

九朶芙蓉天琢開烟霞靜處翠成堆
鹿嘶花向林邊過龍帶雲從樹杪來
最愛山中間日月何須海上訪蓬萊
翛然自覺清風爽直欲臨風翹上台

九華山志

高子文

講教洞

一官羈絆混黃埃壯抱雄懷久未開我若有山如此

好掛冠卽日賦歸來

嘉定府志

高善濂

洞庭晚望七首

錄二

擊汰涼風水面迴偃虹隄上夕陽開含漿老蚌浮光
起迎棹神鴉舞翅回醉唱難尋漁笛樂羈懷易動暮
笳哀何能雪鷺銀鷗侶盡日無愁出岸隈

西塞烟痕向晚橫登臨聊復上重城湖邊匯澤流千
派望裏長巒翠一桁歸櫂江皋頻錯認懷人天末景

宋詩八十八
關情散愁商隱還乘興只恐風波愁轉生

巴陵縣志

岳陽樓晚眺卽事疊韻四首

錄二

危樓縹緲倚闌斜無數殘陽噪亂鴉過客揚帆衝雪浪漁人舉網出銀花子聲落紙閒聽奕舌本留香爲別茶巫峽瀟湘恣極覽誰言遠望當歸家

無聊憑眺日西斜替恨成啼集暮鴉遠樹雲中浮墨障游魚鏡底動菱花臨高每憶登樓賦遣興還嘗覓句茶到處羈愁多瑟縮何如烟浦釣人家

巴陵縣志

高翔

天台人

題韓幹馬

渴烏頂領紫駝峯
跑地求泉鬣上衝
不敢牽來向江水
預防踴躍學蛟龍

書畫
策攷

高得心

林下讀書

芸葉滿牀塵夢稀
空林對雨淡相依
閒身不與時榮謝
抱膝惟評古是非
蕙帳風寒人未老
松門雲靜鶴初歸
青山紫閣原同道
肯羨宮袍耀布衣

端安
縣志

高詡

謁闕里

帝王而下幾興亡銷盡繁華作戰場惟有東家詩禮
在子孫萬古讀書堂

六經不幸火於秦日月曾何碍片雲用舍從來關治
亂皇天本不喪斯文

關里志

高獻民

題九仙宮

迢遞尋真到紫壇參差樓閣倚層巒三株樹古巢元
鶴五粒松低下素鸞烟暖芝田應有玉雲封藥竈已
無丹昔人跨鯉歸何處彷彿中天月影寒

仙遊縣志

曹清

字立夫眞定人彭澤令

登九華山

浮生江路水茫茫彭澤原非令故鄉爲訪子明尋玉
澗也應太白宿雲房詩摩古壁搜遺韻井煉丹砂辨
舊方從此欲歸情復結擬移亭舍築山傍

九華山志

曹亨伯

潯洲行部

冬來行部駕輶車一日之間氣候殊朝服駝裘暮揮
扇未應嵐瘴得全無

宋詩拾遺

曹坤

知大甯監

絞篋

寶源天富國鹹脉海分潮

輿地紀勝

曹詡

洗心堂

清光秀發水雲鄉不見騷人意未降風壓柳梢低酒
舍月移松影上僧窗山泉漲起潮三尺野老釣歸魚
一雙更待練光斜趁日坐看金斗熨秋江

輿地紀勝

松風亭

亭前山影漾江流亭外雲霞礙舉頭俯石下聽松上

簾隔鄉遙認水邊舟四簷寒送沙汀雨一徑煙籠寺
竹秋此曲此聲應未變抱琴期與故人游

江陰縣志

敖邁

臨溪樓

花溪老子昔喜花紅雲紫霞香滿家竹溪逸士昔愛
竹翠靄蒼烟陰遶屋羌茲偉人臨溪樓唐相之裔來
溪頭奄有花竹著樓所日與溪山作賓主手扶銀漢
地上流仰送飛鴻俯盟鷗滄浪濯纓塵化雪清泉烹
茶團碎月曾似元龍意氣豪湖海偃卧百尺高又似
仲宣銷憂賦客居江左非吾土不如祝翁畫欄前梯

身此樓近青天滿心此溪赴滄海樓名溪聲可千載

安福縣志

陶金

過全州

南北東西幾萬峰郡城如在畫圖中何人裁斷湘妃

竹半蘸秋江作釣筒

宋詩拾遺

毛麾

過龍德故宮

萬里鑾輿去不還故宮風物尙依然四圍錦繡山河地一片雲霞洞府天空有遺愁生落日可無佳氣起

非烟古來遺蹟多如此誰念經營二百年

詳符縣志

羅少微

地藏塔

還嶺峰頭霽色清知微曾此學無生鳥從青壁屏邊
過人在白雲天際行一片晴霞迎曉日萬年松檜起
秋聲箇中仙景真奇絕寶塔玲瓏最得名

九華山志

羅丙

資州

老媼獨遺落全家都挈攜

輿地紀勝

羅處純

汎太湖

三萬六千頃湖侵海內田逢山方得地見月始知天
南國吞將盡東溟勢欲連何當灑爲雨無處不豐年

常州府志

羅永之

字林隱

題梅山雲悅樓

曾讀楊詩識嬾雲只今雲悅卽雲孫龍無怒色常歸
匣鶴有懽顏獨守門春態樂尋吟客伴心閑喜共野

人言要知出岫晴方好樓外濛濛煙雨昏

梅仙觀記

羅衮

鳴山

天下名山有未聞山自鳴昂藏如許濶爾何亦不平

溫州府志山川

柯敬之

李白書堂

久欲華山訪謫仙謫仙書舍尙依然青松翠柏疑無路
流水高山別有天千斤浮雲飛碧漢一聲啼鳥破蒼烟
扶筇直上中峰頂一看千山在眼前

九華山志

張湖山

桂林甯壽寺

丹綬纔升四望賒香消無復夢豪華向來馬氏殫禪
力要擬龍宮作佛家樹老烟霜臺殿古石封苔蘚井
欄斜上人不用蓮花漏自有林梢報曉鴉

廣西通志勝蹟

張適正

莫愁村

紛紛花雨暗江頭隔岸煙村喚莫愁艇子只今誰是

主方知身世是虛舟

輿地紀勝

張恪

字正彥高安人著有藕塘稿

句

此地從來寒暑偏
扇紈不曾遭棄捐

輿地紀勝

張碧

鴻門

毒龍銜日天地昏
八紘變黷生愁雲
秦原走鹿無藏處
紛紛爭處圍成羣
四溟波立鯨相吞
薄搖五嶽崩
山根魚蝦舞浪狂
鯀龍蛇膽戰登鴻門
星旗羽簇
強者尊黑風
白雨東西屯
山河欲折人烟分
壯士鼓
勇君王存項莊
憤氣吐不得
亞父斗聲
天上聞玉光
墜地驚崑崙
留侯氣魄吞
太平舌頭一寸生
陽春神

農女媧愁不言蛇枯老嫗啼淚痕星曹定秤稱王孫
項籍骨輕迷精魂沛公仰面爭乾坤須臾垓下賊星
起歌聲繚繞淒人耳吳娃捧酒橫秋波霜天月照空
城壘力拔山兮忽到此騷嘶懶渡烏江水新豐瑞氣
生樓臺西楚寒蒿哭愁鬼三尺霜鳴金匣裏神光一
照八千里漢皇驟馬意氣生西南掃地迎天子

臨潼縣志

張遠猷

會稽人

澹山巖

巖竇天下奇黃詩天下稀洞明無所隱石勢爭欲飛

雷鼓今猶在澹仙何未歸磨崖文斷滅苔蘚卻成衣
湖南通志

金石略

張廣漢

宿梅仙壇

夜宿梅壇境山寒萬籟空無才供吏隱有夢憶仙翁
石齒含殘雪松髯奮急風竈煙如可舐跨鶴問鴻濛

梅仙

觀記

張靈受

潤州

傷心很石千年在極目迷樓百尺空浮玉春酣江帶

綠扶桑日漲海門紅

輿地紀勝卷七

張守質

延福寺

步入禪關一徑賒
攝衣登眺夕陽斜
金谿碧落千條
練紫塔光涵五色霞
月繫扁舟漁火渡
風清古碣隱
君家遊人亦卧東山麓
醉倚烟蘿學種瓜

泉州府志

張瓚

武侯祠

帝城誰送應商金
故壘蕭蕭歲月深
山勢北來連鳥道
水聲東去作龍吟
西風老樹惟寒鵲
落日荒郊只

暮砧不有少陵詩句在草堂何處共追尋

夔州府志

張冠卿

歙人

遊黃山留題

路盡清谿逼畫圖亂雲深處插天都霧開虎豹文姿
出松隱龍蛇怪狀孤吐焰香砂收火齊凌虛精舍礙
靈烏我來爲訪客成侶試問丹丘果有無

黃山志

張成大

知漳州

築漳州外城畢賦詩

水遶漳城湖已平向來有記出公卿
白袍不倦三冬學錦綬行看駟馬榮

輿地紀勝

張子厚

長樂縣人進士

九日亭

九日亭成氣象高
宰君乘興幾回過
山嶙峋極凌霄
漢路愛幽深入薜蘿
長恐泛杯籬菊少
不愁落帽海風多
香醪正熟芳時節
對此年年奈醉何

長樂縣志

張仲密

黍珠庵

巖巒插太虛雲構在蓬壺十里神仙宅千年水壘圖
燕來疑鮑守鶴駐認何姑曾鍊如珠黍丹光照海隅
羅浮志

張監

題荆溪圖

斬蛟橋北王樞府高樹連雲第一家欲向新圖問何

處客窻風雨對梨花

重刊宜興縣舊志

張誌

雍熙院

蘊漢危橋吞兔魄出林疎磬落鯨濤

輿地紀勝

張仲武

石淙

二室盤游日三陽晏喜心分流來萬壑巨石擬千岑
玉殿烟蕪在石碑雨蘚侵翠華何處問山水自清音
說
嵩

王宏

資州守

賞侯氏園亭

春來賞遍牡丹春江上侯家迥出羣

輿地
紀勝

再遊園亭

一夜春膏漲碧溪
水濱沙際潤無泥
幽人綠野臨江曲
太守紅旗轉竹西

又

王齊

知昌化軍

車武子宅

儒生骨朽名猶在
高塚相望已亂真
只認夜深螢聚處
便應泉下讀書人

輿地紀勝

王伯範

題梅壇

朝暗仗馬夕□天
漢事于今已幾年
一片孤忠應尙

在定須耿耿斗牛邊

梅仙觀記

王漢謀

題修仁縣羣峯驛

檻前流水面前山
幽鳥孤雲自往還
農夫不知佳景
好使車纔得片時閑
枕柳樹暗寒溪上
躑躅花紅暮

雨間

輿地紀勝

王駕

永和縣上巳

記得蘭亭祓禊辰
今朝兼是永和春
一觴一詠無詩

侶病倚山窗憶故人

蘭亭攷卷十二

王訓

永興寺

古寺苔荒曲徑斜江村半是夕陽遮紫衣試問當年

賈曾話蒲團老宿家

吉安府志

王平國

一作國玉

大梁人

支提禪寺

羣峰翠擁古禪關夾道松篁五月寒欲識天冠真隱

處白雲深鎖紫金壇

甯德志

王宗旦

夫人城

詩人刺哲婦老氏戒佳兵何此金湯固長存粉黛名

輿地
紀勝

宋詩紀事補遺卷之八十八

門下士湖州府學生員李延道校

宋詩紀事補遺卷之八十九

歸安陸心源

王世則

高巖立春日

二年白玉堂揮翰供帖子風生起草臺墨照澄心紙
三年文昌省拜賜近天咫紅蓼盼御盤金幡裊官蕊
晚爲日南客環堵隱烏几朝來聞擊鼓土牛出墟市
幽懷不自閒欲逐春事起安得五畝園種蔬引江水

柳州府志

王阜壽

占勝亭

雲橫龍角千秋岸水發含香十里隄每向癡兒了公
事倚欄立到日沉西

湖氣昏昏霧氣漫漫泊舟亭下水生寒幽人醉卧篷窗

月喝起癡龍倒挂看

大冶縣志

王疏

遊天平山二首

春雨新晴上翠微三年兩過洞天扉塵踪不得多時
住又向雲間一宿歸

勝景奇踪爛漫遊歸鞍欲上重回頭山禽於我情何

厚逐馬聲聲似見留

彰德府志

王贊

石崇

磴道山巖下茅楹竹樹中深潭魚可見攢石路纔通
坐聽潺湲碧縣思爛熳紅平生丘壑志覽此與何窮

說嵩

王模

贈徐師川

當日僉邪皆誤國先生奮髯叱昌奴一門忠節憑孤
立千載綱常賴力扶直道原來師柳下高風久已屬

東湖詩名四海猶餘事也入紫薇宗派圖

義甯州志

王易齋

贈畫僧鑑老

累年投迹未知名勝日相逢畫更精有思只愁人迫
促爲予拈出似平生

高繫芒鞋聽學歸一丘一壑自心知小窗閑憶經行
處貌得踈煙晚照時

截江網

王其

賀侍郎

寬碧高樓上倚天等閑蟻蛭視凌煙歸飛華表三千

歲砥柱中流五百年擺脫浮雲閑富貴逍遙長日散
神仙天公已定乘除計八十春秋到八年

懸車高蹈姓名香化得東陽似洛陽節亞薌林仍峻
潔貌如笠澤更精強手標留作者英樣壽命應同國
祚長歲歲梅花開臘五來陪青鹿奉霞觴

截江網

楊熊

潼川路提刑

通志

博雅堂

博雅堂中聚古書蓬萊閣上接仙居江山風物元依

舊老子重來獨不如

輿地紀勝

楊攄

青城山

薄宦驅人太不情
好懷誰是與山親
胡爲又作折腰

去三十六峯應笑人

輿地紀勝

楊元量

叙州

宗元永州誌口溪幾年煙草含淒迷
昌黎海門水半

扉至今詩句藏翠微
涪翁亦從天上歸
自鑿嵐翠成

巖棲

輿地紀勝

楊子方

涪州守

儀門

頻看召客趨金馬再見豐年出石魚

輿地紀勝太守楊子方儀門詩蓋石魚在涪陵江中每出則年必豐故也劉忠順詩云七十二鱗波底錯一銜萱草一銜蓮出來非爲貪香餌奏去應同報稔年

楊紉林

劍州節度推官

寄僧琴山

閩海西來山復山白雲深處見禪關幽巖風細鶯聲緩古寺春深鶴夢閒遊子從來悲草綠老僧渾不計

宋詩八十九
花殘笑余猶是紅塵客盡日攀躋行路難

崇德志

楊良臣

武夷人

碧沼寺

薄蹤飄梗寄禪扃偶到山間萬慮清方愧軒裳奔走
役忍聞猿鶴怨啼聲世情肯顧青衫老公道惟均白
髮生事業不須頻覽鏡幻身堪比羽毛輕

新城志

楊徵

宋左通政

題徐氏金湖書院

君家僊館帶林塘氣象清新志趣長
千里客來如海若一樓詩靜透文光
門閭旌表芝蘭貴科第聯芳桂
籍香帝里詞人多景慕願題詩句滿修篁

義甯
州志

楊頤

遊虎邱

盡日凭高步臺閣意氣飄然擺羈縛
靈蹤絕跡萬千狀羣玉排青插寥廓
點頭巨石勢欲動突立試劒峭如削
劒池在嶺不憚浚造化神工巧鑄鑿
寒湫耿耿侵雲根大旱燒雲源不涸
跳珠噴激瑩無痕百斛珠璣綴踈箔
丹青妙手畫不到一點塵埃無處著
僧居

占盡佳山景樓殿高低半丹腰午齋寂寂山風幽續
斷風搖四簷鐸始疑東海轉鼇背蓬萊弱流在西角
千巖萬壑看不厭自謂它山盡糟粕我來因作神仙
尉得捨塵寰少盤礴不因仙客爲先容爭得看山這
一脚乃知世俗徒擾擾不若甘心處恬薄長嘯拂衣
歸去來舊山亦有雲泉約

虎邱志

汪兼山

黃山遇雨

誰能鍊得蝸皇石我亦叫開閭闔門早起蒙天微一
笑依然雲氣薄崑崙

碑翻薦福雷轟碎舟近蓬萊風勒回山意有餘還不
盡青鞵留待後遊來

乾坤老我頭先白山水無情眼自青三十六峰藏不
得小窗趺坐看圖經

黃山志

汪瑀

東嶽勸農

四陽初動鳥催耕稅駕東臯戴曉星
饁私田泥滑滑筵開官閣雨冥冥
鶯啼隔葉懷音好柳拂高隄照
眼青日暮何當髦士集春風桃李醉翁亭

泉州府志寺觀

汪德翰

峽州

醉翁昔日經行處遐想英風萬古愁芳草斜陽渾似

舊茫茫江水自空流

輿地紀勝
七十三

汪遵

五湖詩

已立平湖霸越功片帆高颺五湖風不知戰國縱橫

者誰似陶朱得始終

常州府志

黃筍

寶方山二首

扶藤來訪古招提月壑雲天分外奇料得山林暗相

賀蒼崖今日有新詩

平生不慣俗塵縈才對南山眼便青天與詩人張畫

本疎梅翠竹小池亭

湖南通志山川

黃幼張

過臨平

孤踪逐浪萍幾度過臨平人語水相應帆移山倒行

鷺飛秋嶼冷虹飲晚川明不是憑詩句丹青寫不成

宋元詩會

黃子實

口游

朱詩八十九
賸攜尊酒掛籃尾惜不杯羹薦墨頭

豐都

履痕莫辨陰王跡敢說多題漢晉年

十二峯

月穿蓬席罅風軋舵牙聲

巴東縣

旅夢難安枕村酤不滿瓶

以上見
鶴林集

黃希武

莆田人翰林

龜山禪寺贈僧柏庭

出世無心與世間好將踪跡遠離羣別來滄海孤舟
月歸去青山半榻雲頓覺有生皆幻夢更尋無地避
塵氛東林蓮社詩盟在相送河橋已夕曛

甯德志

黃漳

曹山寺

晚宿曹山寺僧房半劫灰參差惟古栢潦倒有寒梅
行役經年邁勞形覺鬢頽閒情原不減空憶菊花杯

卓望山

簿領紛迷日不閒偶因佳節一登山風飄木葉鴈初
到霜度巖籬菊漸班與客不妨長送酒對時聊爾暫

開顏凭欄萬頃黃雲熟猶恐民生尙苦艱

撫州府志

黃嗣先

白雲堂

白雲留客客不住雲在青山客歸去回頭慚愧清涼

人長共白雲閑一處

輿地紀勝

黃執中

景福院

娟娟竹影薄泱泱溪流淺風生秋意回野塘天容遠

豐城縣志

黃均瑞

贊驛亭壁墨龍

一鼓春雷起九淵風雲萬里會中天墨池付與無多
水去作人間大有年

安仁縣志

黃蛾

羅源人年十五名播京師上召試之御前有吟

新月詩

新月

初出如弓未上弦分明掛在碧雲邊時人莫道蛾眉

小十五團圓照滿天

羅源縣志

梁盛節

送玉巖應詔

丹山有靈鳳不飛亦不鳴
雍容覽堯德徘徊來舜庭
寂寞梧桐冷響絕朝陽明
聖賢不出世出必爲蒼生

宋詩
拾遺

梁白

宋著作郎

題徐氏金湖書院

煙霞縹緲鎖仙鄉
萬卷詩書一草堂
孝義聲華輝北闕
門閭烜赫照南方
千尋瀑布侵肌冷
四季閒花撲鼻香
正是人間無敵處
王公詩版砌虹梁

義甯
州志

梁子固

古木空烟

淡烟漠漠古城頭老樹擎雲瞰碧流鴉背夕陽添晚

景就中描出一天秋

瑞州府志

方日升

桃花洞

洞口迷離春復秋幾人幽賞賦來遊雲封亂石桃花

少月照平湖茂草稠粉黛三年空不語溪山萬古尙

含愁只今惟有長堤柳猶似依依念故侯

續輯漢陽縣志

方鴻飛

嵯縣人

宣妙樓

雲觀烟樓是梵家竹圍如洗逼寒沙因風綠浪搖晴
麥遇雨紅香落澗花人鎖畫房聽鳥語僧歸晚塢放
蜂衙不須老遠來沽酒只覓天酥爲點茶

嵯縣志

方月澗

遊黃山留題

金蓉綠水插層層嵐氣浮浮直上蒸丹竈幾千年尙
火泉崖五六月猶冰鹿衙煙艸陪僊友鶴睡雲松伴
定僧失笑紅塵奔走者見山佳處幾人曾

又

章藻之

明水寺

環山清淺一溪水夾逕高低十里松煙鎖石門疑路

斷斜陽影裏忽聞鐘

撫州府志

章立庵

送韓時齋赴京湖幕

淒其秋已晚塞草青欲黃出門褰君衣問君何遑遑
捷書來古峴談笑復古疆功名有斯會甯計道路長
思昔君之祖尺箠笞西羌當時軍中謠豈在甲兵強
慷慨裏前列膏秣趣晨裝掀髯作遠役匪爲官爵忙

淚碑吊叔子草廬訪南陽世豈無若人君豈問老龐
吾能送君去不能共君航

截江網

章之邵

永康人第進士官博士見永康志

句

雲山犬吠聲相答野水禽飛影自隨

永康志

章炳炎

台溪新亭

每到雙溪興自招新亭況是隔凡囂
水中山色都如畫風裏湍聲卻似潮
歌枕幾回眠盡夜凭欄不厭立

終朝人生何用千鍾酒萬古間愁向此消

常均

蘭江

波翻雪浪養雲濤亭壓蘭江意氣高楚國興亡何處

問佩蘭人去有離騷

輿地紀勝

常勉

賈司倉祠堂

自古才難達司倉與世乖官雖爲言謫名不共身埋

龕像塵昏壁詩魂月滿齋孤墳沒秋草客到重懷傷

輿地紀勝

臧口常

鷲峰禪院

望窮山下疑無路行到壺中別有天花落春巖朝帶

雨月涵秋水夜聞泉

甯化縣志

桑文炳

義甯州人

毛竹山

天地有此山植此毛竹久我本山中人清風振千古

義甯州志

康惇人

遊雁蕩

不怕石頭滑來爲雁蕩行平生夢不到今日眼逾明
未歷千峯秀先逢一段清遍觀從此始着腳履崢嶸

雁蕩山志

康鼎成

題九仙閣

久學秦人避空聞漢主求丹鑪口鳳髓石室有龍湫
谷挾千峯雨湖生六月秋塵蹤應自息長嘯下溪鷗

仙遊縣志

程少逸

月珠寺明月樓

秀爽盤空翠不收陰晴俱好更宜秋滄江也愛樓頭

月故抱青山月樣流

嘉定府志

程楠

歙人

花山寺

雨過羣峰翠欲飛白雲松徑鳥聲微山僧閒卧鳴鐘

起共話無生醉月歸

黃山志

程子山

隴庵釣雪灘

待月凝雲館垂竿釣雪灘虛窗堆冷翠傑閣聳高寒
籠養千齡鶴鑪燒九轉丹不須論許事心目自清閒

宋元
詩會

程壯

送徐殿院去國

殿中簪筆英風凜直比朱絃清玉壺諫奏百篇多蹇
諤精忠一力撼乾樞笑哦老鳳池邊句要取駟龍領
下珠扣闕舉幡心未副芳名贏得溯江湖

截江
網

彭景行

知太甯監

寄蔣世範

知命灰心况寵名故求窮僻守孤城舉頭但對青山
色近聽唯聞綠水聲

句

深愛城西向氏園平川秀野好風煙

以上輿地紀勝

彭德遠

雙谿亭

雨過畫橋跨蝨蝶月明玉塔卧晴瀾景全堪作吾鄉
冠還有沈碑客未看

輿地紀勝碑乃先府君清德碑云一沈大
地東江之上正此處也故老言風月之夕

往往浮水面
有或見之者

丁傲

新城主簿

碧沼寺

萬峰翠插鎖縈紆一沼光涵湛碧虛馴虎舊聞輪野
鹿化龍俄已失金魚白蓮尙結老僧社古木全荒隱
士廬襍被須期借禪榻盡穿犖确與崎嶇

新城志

丁士傑

僕公丹洞

僕僕先生此學仙飛騰一去千餘年欲窮勝境訪仙

蹟但遺丹井清冷泉蒼山翠棹枕淮水懸巖古洞埋
雲烟神仙茫茫不可詰往事獨見居人傳羽衣接迹
千載後結庵構宇當巖前巖前種藥草自異青松翠
柏高參天自慚汨汨走聲利登臨此地空留連

光山縣志

丁大容

松嶺

十里城西松嶺庵每經過此便懷慚此山若有歸耕

地肯墜稽康七不堪

莆田縣志

滕翔

安溪縣尉

普照寺

海翻波浪遠危峯無盡巖前此界空不是灰心求佛

者片時艱住寂寥中

泉州府志

曾紉

福建通判

宜城酒

漢江水漲鴨頭綠宜城酒熟鵝兒黃

輿地紀勝

劉接

伍渡鎮

水來五渡若鋪練山對九疑如畫圖

監塘水

湛湛直通龍渡水
漉漉傍過鹿頭山

輿地紀勝

劉丹

天封寺

桂旗芝蓋翳濃陰
嚴宇崢嶸枕棕林
蜺座有花和法雨
龍淵如鑑徹麤金
錫枝化去圓泉在
石誌文昏亂
蘇侵塵寰遙天路
近慈雲輝物已灰心

天台續集

劉西園

三學山

棲賢古招提
十里巨松陰
棟宇自隋氏
悠悠歲月深

唐人范生畫風雨欲剝侵相傳金仙趾玉質存至今
星黑夜正午異物爲華燈

輿地紀勝

劉洪道

觀鷺山飛瀑

探竒不畏險撥霧上高岑放眼觀飛瀑枕流聽素琴

柳州府志

劉興言

投子山

三雄分漢鼎郊野戰羣龍將軍偶敗北投子空山中

安慶府志

劉坦齋

陽朔鑑山寺

鑑山最有登臨勝，門巷縈迴知幾重。此日樓頭瞻御墨，何時天上覩飛龍。關河痛隔魚紋斷，臣子遙申虎拜恭。欲托離騷寫愁思，涉江何處采芙蓉。

宋詩拾遺

劉翼之

西樓

西樓何似古東樓，但覺今州勝舊州。山色不藏興廢迹，江聲空戰古今愁。樓上詞人誇麗藻，分明說與江山好。江山千古有精神，祇爲曾經詩客到。

輿地紀勝

劉石菴

龍駒謠賀徐景酤生子

白虹流光橫太虛蚌胎逆出明月珠紫瞳照席秋掣
電渥洼突出蒼龍駒前年得人瘦如竹失馬未必不
爲福今年得子燕領豐會看萬里飛食肉徐君髮白
顏且醅晚而得子未足多明年爲君招取杜陵老來

作徐卿二子歌

戴江網

邱道源

錢塘

南屏高瞰府城西畫舫千艘共醉迷四柱臺邊烟是

幕百花橋畔葑連堤龍壇咽路迎輦隼綺繡登山汗
粉題暮色沉沉郊郭閉寶燈輝映梵天低

錢塘志

周德輝

大觀堂

披襟渺無際一笑碧雲頭千里當眉睫何須更上樓

長汀縣志

周洵

句

十里平郊連郡堞一溪清水溉民田

輿地紀勝

周虎臣

句

絲旆西來橫鐵盃大江東轉湧金山

輿地紀勝

周大忠

遊塔巖宿蘭石

靈巖倚空碧捫蘿逕蜿蜒蒼翠樹層級
厠感語流泉登臨睇遙際一道邈原田
目眩三衢水地枕九峯烟五丁運神斧
鑿石自何年洞敞空王宇遊蹤蜂午穿
傍竇偃僂入昏黑杳難前秉燭尋遺勝
低徊別有天巖虛笑語應擊石鼓聲闐
雅稱仙人宅採賞極幽玄洞口浮菴句
杖底擊青蓮夕陽垂綬韞香霧幕山川

磴道生靈籟客袂何翩翩納履雲隨步攬勝快周旋
煮茗分香積得借上方眠燈炯塵迷破枕上磬聲圓
木魚敲客夢十二悟因緣

龍游縣志

周彥夫

天津橋

下車聊復問何如尙憶重來四紀餘鍾阜秦淮俱好
在祇憐雙鬢自蕭疎

聯鑣去作蔣山游路轉天津遶御溝忽作故鄉未委

恨洛陽宮殿鎖千秋

建康志

周惠

油溪嶺

油溪何淼漫油嶺復巘岼白日蛇龍起青林虎豹搏
乾坤誰設險登陟壯遐觀刀劍今牛犢須知帝德寬
風井

寰中風穴不一處斯井乳化能伏流暗接高源常祕
惜不離陌路自清幽土囊空豔高人賦水晶難逢處
士收宴坐巖頭默斟取清涼此意與誰謀

湖南通志山川

蕭巖

萬里藏雲境界寬仙源江上起峯巒鶯啼翠柳三春
暖松隱清風六月寒飛雁忽驚天柱過蟄龍猶向石

潭蟠宦遊爭道茲巖好林下何曾得共歡

全上

周載

玉女峯

誰將玉女對粧臺曲水分明一鑑開鍊石肺腸塵夢

斷任他雲雨逐人來

武夷山志

宋詩紀事補遺卷八十九

門下士湖州府學生員李廷選校